



Scanlan: Modernizacija Luke Brčko otvara put za nove infrastrukturne projekte

Prvi zamjenik visokog predstavnika i supervizor za Brčko, Michael Scanlan, pozdravio je činjenicu da je Skupština Distrikta Brčko na jučerašnjoj sjednici usvojila Sporazum sa EBRD-om o zaduženju namijenjenom modernizaciji Luke Brčko. „Međunarodna zajednica među bosanskohercegovačkim vlastima traži partnera koji su opredijeljeni za dobro upravljanje i ostvarivanje rezultata za dobrobit svojih zajednica. Odobrivši ovu infrastrukturnu investiciju, koju su prije više od dvije godine podržale sve nadležne institucije BiH, vlasti Brčkog su dokazale da mogu biti pouzdan partner. Što je još važnije, i Vlada i Skupština Brčkog pokazali su opredjeljenje za stvaranje uslova za ubrzan razvoj i prosperitet Distrikta.

Modernizacija jedine riječne luke u BiH otvorit će vrata drugim infrastrukturnim projektima od javnog značaja, kao što su oni koje finansira Evropska banka za obnovu i razvoj, namijenjeni poboljšanju vodosnabdijevanja i zbrinjavanja otpada u Distriktu. Time će se stvoriti dalji uslovi za rast privrede i sve što je s tim povezano, kao što je otvaranje radnih mjeseta i porast prihoda kojima će se obezbijediti bolje usluge za građane,” rekao je supervizor.

U tom kontekstu, supervizor Scanlan podvukao je koliko je važno finalizirati i druge ključne kratkoročne prioritete. U tom smislu, usvajanje budžeta za 2019. godinu do kraja ovog mjeseca je imperativ kako bi se osiguralo nesmetano funkcioniranje institucija Distrikta i pružanje javnih usluga. Drugi važni zadaci su potpuno uvođenje fiskalnih kasa do kraja juna, čime će se ojačati borba protiv sive ekonomije, učvrstiti vladavina prava i ostvariti veći prihodi za javne usluge. Još ove jeseni trebalo bi usvojiti i poboljšani zakon o budžetu, kojim će se unaprijediti fiskalna disciplina, transparentnost i odgovornost u trošenju javnih sredstava.

„Brčko ima sve elemente da bude priča o uspjehu. Ali samo kroz konkretne poteze, kao što je jučerašnja odluka izabralih zvaničnika, taj taj potencijal zaista može i ostvariti za dobrobit svih građana Brčkog,” rekao je Scanlan.